

www.BibleForChildren.org

San Mateo 8



Na' biyoṅ Ila got' to wishagna' yella' le Caná daa Ila
gana' mbani Galileana', na' na' len xṇa' Jesúza'.
Na' lekzka' goxgake' Jesúza' na' beṇ'ka' nakgake'ne'
txen.



Na' shlak chak Inina' bibill vino che'ka', na' goll xna'
Jesúza'ne': –Ba bibill vino che beŋ'ki. Per xneena' golle'
wen mandadka': –Li gon kon bin ine' le'.



Na' che' Jesúza' wen mandadka': –Li kaa
nisa' loo yes'ki. Na' wda'gake'n axt ka
billa'chagakan. Na'ch che' Jesúza' legake':
–Li gash' lataan naa na' li
Ijeen beena' ngoo lo neen. Na'
bengake' ka golle'.



Na' beena' ngoo lo neen bnixe' nisa' daa biyak vino,
ni bi nezile' ga wza'n. Tochga wen mandadka'
nezgakile', la' legaken'
wdaagake' nisa'.

Na'ch beena' ngoo
lo neen goxe' bi'na'
chshagna',
chi'eb':



–Yog' beṅ' zigaate chdie' vino wenna', na' kat' ba weej
beṅ'ka' len Inina' dii zil, na'ch chdie' daa bi naktek wen.
San li', ba
bzagoo vino wenni na'
axt ṅaach chdio'n.





Yel' waki dga ben Jesúza' yell Canána' daa Iliá gana'
mbani Galileana', lennan' bene'
dii nech. Na' ka' bli'e yel'
wak çhe'na' nape', na'ch
ben'ka' nongake' le' txen
benlilall'gake'ne'.



Na'ch wyaj Jesúza' lill Pédróna',
na' ble'ile' de tobiin̄ che'na' yo'e dii lana'.




Na' beḵ' Jesúza' neena' na' bicheje' dii lana'.
Na' lii wyastie' bene' dii wdaogake'.




Na' ka ba wxoa wbilla', jwa'gake' lao Jesúza' yog'
ben_ka' bi shao' na' ben_ka' yoo dii xiwaa.

Na' yog' ben_ka' lle'
yella' bdi'a bllaggake'
cho'a yooná' gana' zoe'.



Na' Jesúza' biyone' beṅ' chak wde wdeli yillwe'.

Na' lekzka' bibeje' dii xiw'ka' yoo beṅ', na' bi bi'e latj
inegakan daa nombia'gakan le'.



Yog'z beṅ' goklall'gake' idi'gake' Jesúza' daa ba
ṅezgakile' chchej yeṅ' wak ḅhe'na' na' chiyaki yog' beṅ'.



Na' bllin tap beṅ' nḷengake'
to beṅ' net ṅi'a neena'.




Na' daa bi gok illingake' gana' zete
Jesúza' daa lle' beṅ' zan inleeb, na'
wzologake' bsaljgake' koll'
yooná' na' bletjgake'ne' do
daa che'na'.




Na' ka gokbe'i Jesúza' chajle'gake'
che', golle' beṇ' we'na':
–Xiin, ba biyakxen
saaxya cho'ka'. –Nia'
li', biyas, bitob daa
cho'na', na' biyaj
lillo'na'.



Na'ch wyoo Jesúza' loo barkwa'
len ben'ka' ba nakgake'ne' txen.
Na' shlak zej barkwa' wtese'.
Na' wzolo wzechga be'na' lo
nisdo'na', na' wzolo
chas chataan na' biyoll
nisa' loo barkwa'.



Na'ch che' Jesúza': –¿Berache chleblíkze? ¿Biche bi
n_xenilall'le nad' kwas_lol'? Na'ch wyase' bsheshlene'
be'na' len nido'na', na' wlezgakan. Na' be_n'ka' lle'len
Jesúza' loo barkwa' bibangakile'
ka bene', na'ch che' ljwellgake':
–¿Noran nak beeni, Ila? Axt
be'na' na' nido'na'
chzenaggakan che'.



'Daa le chakchgayi Chioza' ben'
yell-lioni, bselee Xiine'na' tlish' tyaj
kwençhe nottez ben' gonlilalleene'
bi kwiayee, san gat' yel' mban
çhe' zejli kani.

40

60



Romanos 3:23 La' yog'lolzə ben' bxinj blengake' na' ni to kono nak dowalj ben' wen ka nak Chioza'.

Romanos 6:23 Laxj beena' chon saaxyana' nakan yel' wit, san daa chzani Chioza' wi'e beena' gonlilallee Xancho Cristo Jesúza' nakan to yel' mban zejli kani.

Hebreos 9:27 Na' kon ka llia bia' gak çhe to to ben' yell-lioni guete' shlinz, na'tech wçhoglo Chioza' nak gak çhe to toe',

Efesios 2:8,9 La' yel' ben' wen çhe'nan' bisle' cho' kwençhe bi kwiayi'cho daa ba nonlilallcho Crístona'. Aga inçacho daa nakcho ben' wenan bisle' cho', san nakan to goklen daa bene' çhecho ka'zə. Na' bi gak gakzcho cha'sib, la' aga daa choncho dii wennan' bisle' cho'.



Romanos 10:9,10 Shi wi'o dill' Jesúza' nake' Xancho na' shajli'o do yichj do lalloo nan Chioza' bisbane'ne' ladj ben' wetka', na' yisla Chioza' li' kwenche bi kwiayoo.

La' daa shajle'cho do yichj do lall'chon, yiyakcho ben' li ben' shao' lao Chioza', na' lekzka' daa choe'cho dill' nan Crístona' nake' Xancho, yisle' cho' kwenche bi kwiayi'cho.

San Juan 3:16,17 'Daa le chakchgayi Chioza' ben' yell-lioni, bselee Xiine'na' tlish' tyaj kwenche nottez ben' gonlilalleene' bi kwiayee, san gat' ye! mban che' zejli kani. Chioza' bselee xiine'na' yell-lioni aga kwenche wlliyee benaan, san kwenche yisle' legaken'.



1 Juan 5:11-13 Na' dillaa bi'e nan: ba bene' cho' yel' mban zejli kani, na' bene'n daa nonlilall'cho Xiine'na'.
Beena' nake' Xiin Chioza' tozə, de yel' mban çhe' zejli kani,
na' beena' bi nake' Xiin Chioza' tozə, bi gat' yel' mban çhe'
zejli kani. Chzej' le' dill'ki, ka le' nonlilall'le Xiin Chioza',
kwençhe inezile ba de yel' mban çhele zejli kani.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Zapotec Cajonos NT (zad) © 2011, Wycliffe Bible
Translators, Inc. All rights reserved.

<https://live.bible.is/bible/ZADWBT/MAT/1>

©2025 Bible for Children, Inc.

www.M1914.org

www.bibleforchildren.org

